

兩
浙
名
賢
錄

兩浙名賢錄卷四十二目次

恬裕

明二

秦府教授鄭本忠

子獲言
雍言附

桐山歸牧汪遷善

改孫九齡附

督學僉事王孟堅

國子助教金汝用

吏部郎中陳叔剛

興化府知府潘舜紱

開封府知府金尚文德

太僕寺丞金本清湜

撫州府知府沈和

子給附

太常寺少卿陳惟成贊

江西僉事陳廷嘉璣

廣西右叅政朱廷用鏞

學正張弘裕順

四川叅議朱惟正貞

禮部主事凌叔京鏞

山東右布政陳時起振

中書舍人王允達汶

河南按察副使陳直夫壯

福建副使司馬通伯聖

曲靖知府章景恂忱

父珙附

池州府知府包汝調鼎

弟勇孫節
許檀芳附

江西布政司參議張裕夫以弘

子景琦孫元冲
曾孫一坤附

太常寺卿任克誠遜

靜樂居士徐士威震

國子監典簿趙尚確魯

陝西按察使來伯韶天球

萬安丞鍾巨川海

刑部尚書王明仲鑑之

山東按察副使韓守清蘆

兵部尚書張常甫邦奇

江西副使惠從道隆

刑部右侍郎蘓天秀民

刑部郎中李宗文儒

刑部主事徐果夫寬

父義附

山東副使沈景明陳

隆慶州知州杜世英傑

廣東叅政祝惟真萃

刑部員外郎凌約言

子迪知附

太常寺少卿潘時用辰

承事郎程敏恭俊用

臨江府知府尚美儀縉

惠州府通判沈懋德儀

孫瑞臨附

湖廣布政司叅議謝汝正忠

東陽善士徐仲學志

刑部右侍郎葉良臣相

貴州布政司叅政陳良謨

吏部左侍郎謝以中丕

方達吉人

沈大威駁

子光華
美華附

涿州知州孫本

封禮部主事王廩之賜

從子任用子
三賜三接附

湖廣布政司叅議盧子春煦

禮部左侍郎陳晉甫陞

江西布政司叅議王直夫庭

安慶府丞鄭文光燁

繁昌縣知縣祝思堯繼英

工部員外郎孫吉夫昶

國子監祭酒王子揚激

永州判官許達夫淪

南京兵部尚書趙世胤天祐

封廣州府推官駱伯瑜璋

子居
檄附

布衣周尚行輦

鴻臚寺卿周用賓文興

翰林院編修駱質甫文盛

星子簿許朝儀珽

延平府同知蔡潤之玘

南京光祿寺卿項秉仁錫

青州府知府施平叔峻

感恩縣知縣董道卿遵

雲南按察司副使張伯敬元論

文學楊以齋美璿

鴻臚寺卿胡秀夫森

橫州判官王伯雨濟

廣西按察司副使沈道初啟原

子邠附

沔陽州知州楊志澄茂清

尚寶司少卿徐深甫自得

同安縣知縣邵以升旭

漁江沈時幹文楨

廣雅

卷之四十三

五

光碧堂

南京吏部郎中鄒醇甫國儒

雲南叅政朱良矩方

湖廣叅政李樂

兩浙名賢錄卷四十二目次終

兩浙名賢錄卷之四十二

東海徐象梅仲和氏謨

吳興茅元禎公良氏閔

恬裕

明二

共一百五人

秦府教授鄭本忠

子復言雍言附

鄭本忠鄞人學問淳正言行敦卓以明經舉授秦府教授以身率物不假言說對之者如坐春風中不再暮卽解官歸日以詩書自樂超然不知名利爲何物自號安

分生所著有安分集藏於家子復言雍言相繼登進士俱至顯官而謙然自視如布衣人尤以爲賢

桐山歸牧汪遷善改

姪孫九齡附

汪改字遷善桐廬人洪武中領鄉薦授丹陽縣儒學教諭獻三策於朝深切時務陞臨清丞永樂改元弃官歸自號桐山歸牧安貧樂道以吟詠自適性行端潔不混流俗環帽骨篋未嘗簪戴日畜類之毛死獸之骨豈可加於首乎晚好神仙年八十餘點校丹書手不去筆詩文取達意不事雕績類其爲人情多散逸不傳姪孫九

齡字良永領正德己卯鄉薦授肇慶府推官以卓異拜
南京山西道御史直聲聞於一時

江西督學僉事王孟堅鉅

王鉅字孟堅諸暨人幼聰慧日記數千言及長益博綜
經史永樂壬辰進士及第歷官編修修撰宣德中同修
兩朝實錄書成引疾歸正統初起爲江西督學僉事少
師楊士奇薦之也鉅正身率物大小各有造就長河洞
堰聞其賢亦遣子入學考績至京顯者倨傲弗爲禮卽
日引退安居田里以文翰自娛鄉士大夫至今推重之

國子監助教金汝用碑

金彌字汝用，仁和人。洪武末，以鄉薦高等乙榜授教職。九年秋滿當遷，需次者久之。永樂庚辰始經國子監與籍時，四方書版多送京師，詔置諸太學，無所於儲。彌慮其故，乃聚蓬蔭爲席屋，中列架以庋焉。旦夕謹視，隨闕輒補。有刷印者，使人去其凝積，毋致泯損。故梓刻得傳。至於今者，彌志功也。大學士楊士奇雅重之，彌爲典籍。九年秋又滿，乃書最以去。士奇爲文以贈焉。既歸，省先墓，及復任，又久之。乃得陞助教，恬靜安職，絕無外慕。人

以爲賢云。

吏部郎中陳叔剛

陳叔剛字叔剛餘姚人初爲縣從事永樂初舉賢良起爲吏部主事歷郎中性廉潔在官三十餘年居處嚴御如寒士上方屬意大用叔剛屢乞休勉從之宣德中再獲召不起有故家故事陳吏部素

興化府知府潘舜絃琴

潘琴字舜絃世居景寧之沐鶴溪年二十四舉正統丁卯鄉貢天順丁丑歲進士歷南東吏部稽勲主事改兵

部武庫遷職方員外郎。擢福建興化府知府。每以片言折獄。庭無留案。建社學。毀淫祠。籍廢寺田以贖公用。禁端陽競渡。元宵放燈諸舊俗。先是岳正爲守。以執法行政。積怨成謗。去其官。繼者方以簡靜獲譽。琴實再繼之。大爲設施。不避權貴。人始諱而終信。莫不受戴之。若父母。當路方交薦之。擬內召。不顧竟致仕。歸琴早速經史。爲文典則有古風。性嚴重不苟合。自致仕以來。家居三十八年。口不道世事。足不至公室。惟教子姓及鄉後進。文學商德。隱然爲東南重鎮。瞻耆耄。神采精健。不異少

壯時所著有竹軒稿七卷。詠史詩一卷。忽夢人贈以詩。曰。吾將還造化矣。會小疾。卽移正寢。戒婦女無敢近。及。瞶而逝。年九十。

開封府知府金尚德文

弟尚義附

金文字尚德。世爲麗水人。弱冠補邑庠。時草寇攻圍郡城。御史李俊募奇勇士。百道固守。文應募。建策多所裨益。城卒完。辭賞不受。一時高其才識。景泰庚午。領鄉薦。明年成進士。選入翰林。爲庶吉士。癸酉。拜行人。出使四方。詞翰語言。見者嗟謔。陞刑部員外郎。進郎中。連丁內

外艱服除再補刑部。明年刑十三年始終無請託之議。竊
案稱之無異詞。陞河南開封府知府。時累歲淫雨害稼。
黃河岸決。百姓薦飢。流離殍死者不可勝計。文親履災
所。驗實圖狀。定高下爲奏。免其賦。又奏便民七事。詔皆
可之。文素剛直。不能與時俯仰。當道忌而銜之。會諸道
覈官。潛以文名附章末。乃得詔與致仕。時年纔四十九
耳。知文者無不爲之太息。文聞之不待報。卽忻然治裝。
歸和陶靖節。歸去來。彈以寄意。文於兄弟中友愛尤篤。
弟尚義爲御史。好直言。時值星變。文知其必不自默。乃

作東隱童子篇以諷止之。北尚義被逮，謫戍遼東，寓督
府防察甚至，衆皆謂文不宜往視文。日往酣咏，寬釋至
就道涕泣抱持，不忍舍。觀者多感泣。文天才縱逸，詩文
援筆立就，平生著作甚多。與尚義唱和二集，曰墳篋和
聲。既謝事，治別業，去城西一舍許，扁舟往來遺落。世事
隨所得爲題詠，曰鏡潭雜詠。晚年更號鏡潭主人。卒年
五十有四。

太僕寺丞金本清湜

金湜字本清，鄞人。幼有異質，甫髫髻，輒能詩歌，長益宏肆。

漁獵墳史，中正統辛酉鄉試，升太學，以習古書法，授中書舍人，待詔文華殿。遷太僕寺丞，時監牧者多以墨敗，孳息日耗，士耻居之。湜獨奮曰：「貪泉豈能污廉士耶？」卽日乘傳詣寺，釐剔宿奸，風節琅琅，國人相顧駭曰：「此鐵漢也。」憲宗卽位，勅賜一品服，使朝鮮。朝鮮雅尚文學，凡中國使至，必求詞翰嘗之。湜卽席數十篇立就，其國素稱才俊者，輒吐舌不敢出一語。因請湜所經歷題詠刻之，名皇華集。又選美人入侍，湜以詩却之。還朝，上章乞休，不許。竟拂衣歸，自號朽木居士。家食二十年，足不

一跡公府雖親黨慶唁多謝不往惟與名勝士結社爲樂居常坐卧一小樓操弄觚翰篆隸行草綽有漢晉人風度又善寫生性尤喜竹人有丐者輒欣然命筆不經思致而恣態橫發隨綴小詩其上流麗可愛人得其片楮珍之暇則過僧廬吟諷忘倦一日口占一律示僧云都將浩氣還元化只把清風付後生後數日果卒

撫州府知府沈和

子綸附

沈和仁和家人家貧篤學登正統十年商輅榜進士第授刑部主事盡心詳諫獄多平反有德之者懷金謁謝怒

却之曰爾以我執法爲私耶出恤刑淮安安慶各獄寬盜獄活九人遷撫州府知府有惠政民愛之稱沈父未幾解組歸卻掃燕坐未嘗至公府非遠出不乘至里門必下子綸官至蕪州知府父子二千石而清素如貧士布衣徒步遇者不知其爲五馬貴也

太常寺少卿陳惟賢贊

陳贊字惟成餘姚人以薦爲儒學訓導會纂修實錄天下郡國會萃事蹟以上而兩浙十一郡之事贊寔總之時稱史才書成簡任翰林侍詔遷五經博士以

薦陞廣東布政司左叅議時廣寇黃蕭養之後民極凋
瘵贊撫摩曲至訪鰥嫠幼稚之被掠賣以還其家瘞兵
死遺骸親爲文祭之聞者感悅景泰初遷太常少卿疏
乞致仕不許三請始得 旨時年未六十也有別墅在
西湖之上遂留家於杭先是浙中名卿大夫致仕家居
者六七公而南京吏部尚書魏叔良驥其一也聞贊歸
皆來會喜相語曰歸老之榮皆 上賜也乃約月一集
爲恩榮會會必賦詩爲樂時以比之洛社云

江西按察僉事陳廷嘉璵

陳璣字廷嘉，台之臨海人。起家進士，選入翰林，讀中秘書，坐郎中盧信士繫獄，遭劇疾，弟琛入侍，因感疾卒。璣意極哀之，而未嘗幾微怨盧。時稱長者。久之，事白，授檢討，預修五經四書性理大全，參考漢唐以來儒先之說，折衷之，而一以濂洛諸儒爲準。書成，以疾乞歸，就醫杜門。却掃者十五年。方岳大臣咸禮於其廬，而鄉里有訟者，不之官而求一言以爲解，蓋雖投閒致散，能以善成其俗如此。正統丙辰，聘同考會試事，竣乞歸，執政強起之，擢廣西按察僉事，提督學校。纔五月而嶺南數千里

風化一新丁外艱服除改江西江西士類素聞其風爭
自磨濯以求見錄滿三載乞休致既抵家益謝絕人事
惟以成就後學爲務家素貧而事母極甘脆母樂其養
以壽考終而璉亦年踰七十矣晚年家益貧然急於行
義嘗戒諸子遇貧乏者宜隨力賑之不必計其多寡若
須富而後行恐吾儒終無濟人之期知縣孫振望嘗性
謁璉顧其敝廬欲爲葺治且請令庖人繼肉璉皆笑却
之惟以毀淫祠除宿弊數事爲言曰使一邑安則璉也
受賜多矣成化改元進階朝列大夫明年卒春秋八十

有二

廣西右叅政朱廷用鑄

朱鑄字廷用仁和人登景泰丁未柯潛榜進士第授南京兵部職方司主事父艱服闋改工部營繕司主事歷員外郎郎中出知廬州府秩滿陞廣西布政司右叅政自入仕後屢乘傳就行事立辦在營繕適楚府災民方困食計以武昌商稅所入業修建人不知費時希事者欲新南北畿行殿及鹵簿鑄具陳緩急所宜皆報罷廣合肥僧殺其師匿跡服喪付城民婦因奸殺其夫六案

民殺從弟皆誣逮他人具獄上譴鑄閔成案庶得實盡
平反之人皆心服專至廣西適以軍務行邊紀功蒼梧
督平鬱林賊還師有疾遂得請致仕歸深居簡出脫却
世故日以黃老方藥之書自娛與致仕夏大理季爵張
憲副鳴玉陳都閫彥章數人觴詠逸會於西湖山水間
號歸榮雅會卒年六十有七鑄平生崖立負氣慎許可
落落若難合而情致恬雅文辭豐蔚意見所至酬應不
窮一時稱爲宗匠至於進退老壯之節無不合於古人
者士林以爲難

學正張弘裕順

張順字弘裕杭州右衛人天順間由舉人授沔陽州學正丁內艱服闋補平度州已而又改定州順爲人高邁閒曠襟抱洒洒工諷詠善鼓琴三爲學博務以絃歌化人積官六年不遷塵凝履席滯如也平生勇於爲義鄉人沈明嘗忤縣令陸樞樞欲陷之死適有井中尸竟坐明明苦拷掠不得已誣服樞入覲囑丞斃之獄順聞之往告丞曰人命至重君職爲丞當平反冤繫以補令缺願可殺人以媚人邪丞悟轉聞其事於上明得不死

之明始知順爲之地走謁謝順閉門不見明號泣叩頭
外戶而去

四川布政司叅議朱惟正貞

朱貞字惟正錢塘人祖繼有學行爲縣國沐公所重請
於上延爲塾師改授學錄始家金陵父皞以家學嗣
居師席生四子貞其仲也幼警敏異常兒稍長博通經
術景泰癸酉領鄉薦天順丁丑登進士第除河南磁州
知州有異政改鄧州以憂去起復陞南京刑部郎中三
載考最陞四川布政司叅議奉勅總督松潘等處糧儲

舉措以便民爲務。而撫禦有方。剽掠遂息。惟黑虎寨恃險不服。乃與總戎等官。密謀剿捕。四境以安。事聞。賞與將。埒。遠。以及年。疏乞骸骨。歸。軍民攀送。縉紳供張。爲別。觀者榮之。既歸。葺田廬。爲怡老計。暇則與林下士大夫。爲真率會。優游十有五年。年七十又七而歿。平生保重遺體。不妄交際。雖遇童子。必以禮居。鄉居官。與物無忤。而好施樂與。出於天性。舊識某者。稱貸久不能償。召其子以券與之。去。祖塋數里。別置地以葬。藏獲之亡者。其存心長厚。類如此。幼工楷法。晚變爲行。益妙。所著有息。

軒稿若干卷

禮部主事凌叔京鎬

凌鎬字叔京新城人天順庚辰進士授南京刑部主事
丁外艱改禮部在任逾五載未調或以進取說之鎬曰
在郎署猶恐弗稱敢他覲邪人皆高其恬雅性質實耻
爲導諛事或未善雖尊者前懇懇論弗避嘗以此齟齬
於人至其臨下恩意優厚未嘗以惡聲加也居官廉靖
卒之日囊無遺資京邸多逋負人不責其償喪始得歸
山東右布政陳時起振

陳振字時起，鄞人。成化辛丑，登進士第，授知吳縣。以考最補河南道監察御史，遷福建按察使。連丁內外艱，居喪九年服除，補雲南副使。陞陝西苑馬寺卿，尋引疾乞歸。疏已，在途，會有命徙官，遂以山東右布政致仕。優游林下十二年而卒。振性恬淡，寡營，歷仕三十年，官至二品。致政之日，囊橐蕭然。疏耦僅以自給，家居足不踰戶閭，口不及時事。姻親故舊鮮接其面，所上章疏子弟不及見其草。卑言而危行，好勝者莫與之爭明，於界分以法度自防，絲毫必執，無少假借。於家於官，截如也。而心

和初睦寇連陷杭處等六州時舜明知婺州方之任城
已被圍遂招集士卒突圍入城引兵出戰賊衆奔潰時
賊將洪載據處州復計降其衆四十餘萬欽宗卽位遷
監察御史僞楚之變舜明挺節不汚高宗時除知江州
劇賊李成擁衆至城下接戰又平之人謂舜明藐然孤
壘制賊橫潰使不轉入東南其功居多累階中大夫文
安縣開國男贈太師所著有詩文十卷奏章三卷補楚
辭一卷子宏寬憲寬憲自有傳宏字令聲少有才名呂
頤浩薦爲刪定官調江山令適歲旱有巡檢自言能以

法致雷雨。試之果驗。民告妖術。秦檜以私憾下大理。竟死獄中。

龍圖閣直學士盧仲甫乘

盧乘字仲甫。光祿卿華之子。未冠。有雋譽。嘗謁蔣堂。坐池亭。堂曰。亭治粗適。恨林木未就耳。乘曰。亭沼如爵位。時來或有之。林木非培植根株弗成大。比士大夫立名節也。堂賞味其言曰。吾子必爲佳器。中進士甲科。調吉州推官。青州掌書記。知開封府倉庫。參軍。浮沉州縣二十年。人無知者。王安石方置條例司。預選奉使淮浙。治

鹽法與薛向究索利病出本錢業竭海之民成不得私
鬻還奏遂爲定制進制置發運副使東南飢詔損上供
米價以糴兼言價雖賤貧者終艱得錢請但償糴本而
以其餘賑贍先是發運使多獻餘羨以希恩寵兼言贍
在董督六路財賦以時上之安得羨今稱羨者率正數
也請自是罷獻獨以七十萬緡償三司遽加集賢殿修
撰知渭州五路大出兵西討惟涇原有功進寶文閣待
制夏境胡盧川距塞二百里恃險遠不設備秉道將姚
麟彭孫襲擊之俘斬萬計遷龍圖閣直學士夏酋仁表

鬼丁舉國人寇犯熙河定西城。秉治兵瓦亭。分兩將駐
靜邊。若指夏人來路。曰。吾遲明坐待捷報矣。及明果至。
見宋師。驚曰。天降也。縱擊之。皆奔潰。或言鬼丁已死。請
識其衣服者。諸將請以聞。秉曰。幕府上功。患不實。吾敢
以疑似成欺乎。他日物色之。鬼丁果死。詔褒賜馬服金
幣。且使上所獲器甲。秉守邊久。父革年老。乞歸。移知湖
州。行三日。復召還。渭慰籍優渥。革聞亦以義止其議。已
而革疾亟。乃得歸。元祐元年。知荆南。劉安世論其行。並
法虐民。降特制。提舉洞霄宮卒。

家。若。二。十。餘。年。城。府。罕。入。其。自。述。有。曰。敢。謂。身。從。顏。氏。
樂。直。將。心。比。伯。夷。清。所。著。有。臨。城。集。克。齋。稿。悅。父。珙。有。
孝。行。鄉。人。稱。之。

池州府太守包汝調

弟簡孫節汴樞芳附

包。鼎。字。汝。調。嘉。興。人。成。化。戊。戌。與。弟。簡。同。舉。進。士。調。授。
兵。部。主。事。歷。陞。郎。中。乞。改。南。部。出。知。池。州。爲。政。務。大。體。
不。事。煩。苛。號。爲。清。簡。郡。中。大。治。性。恬。退。有。泉。石。之。好。年。
未。至。遽。乞。休。弗。問。家。人。生。產。足。不。入。公。府。簡。孫。節。汴。俱。
爲。御。史。節。汴。權。璫。謫。戍。鳳。裁。凜。凜。卒。贈。光。祿。寺。卿。汴。南。

北部郎中。食楚泉。參蜀藩。均賦戢亂。俱有茂績。汴子權
芳先。汴釋褐。授禮部主事。隨晉督學。號稱得人。及歸。捐
田贍族。艱於婚葬者。悉力賑之。優游林下三十年而卒。
江西參議張裕夫以弘

子景琦孫元冲曾孫一坤附

張以弘字裕夫。山陰人。成化中以進士起家。拜吏科給
事中。凡所建白。皆持大體。出爲江西參議。致政。歸性寬
簡。癯厚。終身無疾。言遠色居。鄉恂恂然。飲人以和。無賢
忌。皆稱張公長者。子景琦。孫元冲。曾孫一坤。四世繼登
進士。而家仍儒素。景琦初官主事。忤宦。謫判大名。終

桂林知府清約自甘。奏驗每至不給元冲以給諫歷劄都御史。建撫江西爲人簡厚有祖父風。

太常寺卿任克誠遷

任遷字克誠溫之瑞安人。生而穎悟不羣。七歲能賦詩。作擘窠大字徑數尺俱有法。有司以神童薦於朝。宣宗聞而奇之。面試其書嘉歎。俾卽文華殿績學。所以供給之者甚厚。未幾命爲國子生。景泰初授順天府照磨。仍以書藝供奉。遷不圖倖進。每九年考最始進一秩。故自中書舍人五轉至太常卿。仍考最。食從二品俸。凡歷

仕四十年。供奉勤慎。未嘗有過。弘治戊申年六十六上
疏請老歸。復家食十六年。以癸亥卒。時年八十二。遜爲
人清心寡欲。於世味泊如也。公退靜處。門無雜賓。室無
長物。儵然如衲僧。興至弄筆墨。輒作書畫。以自適。或時
吟詠。發舒情思。皆山林語。若不知身在禁近者。因自號
坦然居士。嘗著書一編。推性命之原。窺造化之妙。有觀
物遺世意。名雲山樵語若干卷。秘惜不以示人。藏於家。
靜樂居士徐士威震

徐震字士威。淳安人。自少秀穎。端重。八歲入鄉塾。書過

目輒上口、晝夜孜孜、涉獵經史、旁及陰陽地理、律曆諸書、靡不研究、年十五、父母相繼歿、治喪祭一循典禮、宗族稱孝焉、性尤好施予、每遇歲歉、發廩以濟貧乏、不能償者置之、外貌和悅、而中有定見、是非好惡一出於公、鄉人有爲不義者、惟恐聞之、或爭論不平、及田地疆界不明、必造門求直、得一言以爲解、訓教諸子孫、皆以義方、每誦諸葛武侯靜以修身、儉以養德之語、勉之子貴、舉天順丁丑進士、授兵部職方司主事、嘗遺書族之曰、古人有言、當官之法、惟有王事、自清、臣僕、罔動、吾兒不

可不勉乎。平生雅愛山水，遇奇勝處，登臨忘倦，嘗攜靜樂樓以爲遊息之所。因自號靜樂居士。又預卜壽藏於天堂之原，人皆稱爲達者。卒年八十有四，稱封公者二十一年，未嘗以赤一干於有司。君子以爲難。

國子監典簿趙尚確魯

趙魯字尚確，山陰人。以尚書領鄉薦，歷任教諭，秩滿不調。恬靜自如，人高其養。正統十二年，陞國子典簿。日端坐觀書詠詩，校對梓刻訛缺，或忘寢食，倦則鳴琴自娛。祭酒陳敬宗謂人曰：「趙尚確仕不近利，學不近名，對之

坐談簡淡有味令人興起今之黃叔度也久之遷典簿益勤敏盡職不以爲卑秩甫滿卽引年致仕行李無一長物惟囊書數百卷而去

陝西按察使來伯韶天球

來天球字伯韶蕭山人登弘治庚戌進士第授工部都水司主事調刑部陞員外郎武宗登極閹瑾擅權懷不與東揖之恨出僉陝西屯田時四川流賊入漢中府界督撫洪鍾行委監軍紀功得以便宜行事遂指授總兵官閻綱方畧擒其賊首藍五等以功陞本司使持憲

嚴明衆無滯積通河南鎮守廖堂調陝球發其陰私於直指使者方指叅間而堂先以馬檄誣奏矯旨逮直指等官下獄球喟然歎曰平西賊易平廖賊難城狐社鼠可奈何哉吾有以自處矣因人覲自陳乞骸骨歸球曰時行時止吾其到岸之舟乎雖有風波吾知免夫時與士友適意於湘西二湖間嘉靖乙酉次子應山舉於鄉球意有以自慰家構南山堂引江風與山月以自樂卒年七十有九

萬安丞鍾巨川游

鍾海字巨川海鹽人。世有隱德而海獨以文無害起家。初授懷遠縣丞。以名節自喜。時時左右其民。不忍傷時。令籍戚畹。監甲科。扶勢漁民。無屬厭也。海戚然曰。是虎而冠者。不幾盡食吾民乎。益出身左右。民事事執法。與令反。令患之。遂誣海以不法事。屬其黨聞於朝。海亦資採民間患苦狀。奏之。並逮繫詔獄。當路者以令國之脾附。不得獨直。丞竟與令同報。罷後七年。事白。復丞萬安。一時監司守令。聞其風。胥高其節。不卑其官。每遇盤錯。輒曰。非鍾丞。不可。海故不耐煩。乃浩然歎曰。奈何。以七

尺殉五斗哉。遂拂衣歸方海之將歸也。寄詩家人。有何
日南臺公事畢。釣舟春雨卧滄浪之句。比歸而謝絕塵
事。日與二三同好。擁鼻高唱於青山白雲之際。性復清
簡。不問家人生產。至鬻所居以佐吟資。裕如也。子梁爲
濟南守。不朞而解綬。梁之季子夏。丞貴溪。甫九十日。卽
挂冠。君子曰。是子是孫。不媿乃祖。乃父亦春卧滄浪有
以風之也。梁先以刑部主事考得贈海。稱封公。吟弄風
月者復十餘年。以高壽終。

王鑑之字明仲山陰人成化戊戌進士出宰元氏召入
臺爲監察御史建按貴州督學南畿擢大理右寺丞進
少卿僉都御史再遷副都陞南京刑部右侍郎改北未
上轉左陞刑部尚書乞身歸在元氏有惠政於民旣爲
京官民以事來者必踵門拜謁如見父母在南畿嚴考
校公去取聲威赫然初若不可犯已而講論經義指授
嚮方登聲不少倦聞者興起爲僉都經畧紫荆諸邊關
爲副都撫治鄖陽再撫湖廣皆有政績可紀及爲尚書
值逆瑾竊柄事多掣肘歎曰此豈可爲時耶遂引年去

上不能留賜玉帶以寵其行。比卒命有司賜祭葬。皆如
例。鑑之風儀峻整。而性恬靜。每進秩處之。若不勝。未嘗
色喜。歷官內外。清謹如一日。雖居臺省。位常伯至老家。
無一長物。嘗謂人曰。希聖希賢之事。我未之能。然未嘗
一日不學。爲君子。未嘗敢一置其身於不善之地。見仕
途有屈節權門者。則深挈歎息曰。士患不能得死所耳。
窮通禍福。有命焉。此身一失。胡可復乎。其見如此。故能
知幾勇退。克保終始。非偶然也。

山東按察副使韓守清齋

轉薦字守清餘姚人登弘治丙辰進士第授任縣知縣
任上陞人濟轉徙者半廉加意拊循省刑節費民繇是
父母之相率歸附治爲天下最徵拜廣東道監察御史
出按福建風裁凜然漳南盜肆侵掠督師剿平賜白金
彩紵當是時逆豎劉瑾擅權欲以嬖孽冒功脅之禍福
廉不爲動乃藉他事留再遷冀在必獲廉抗持益力瑾
矯詔調高安縣知縣已又搜舊牒摘微過詔下貶官者
三猶銜之逮繫禁獄將甘心焉踰年瑾誅得白除通州
判官稍遷潞州知州以憂去服闋補知秦州晉河南按

察僉事山東副使兵備天津調辰州府知府上疏乞骸
骨會世宗皇帝登極特獎恬退復副使致仕廉乃開
別園植花卉日與耆舊觴詠娛樂非飲射讀法足不履
公庭鄉人敬重之行部使者至餘姚必造其廬問焉卒
年九十有四廉襟度高朗視天下事一無可懷情者方
觸逆瑾逮禁獄人爲廉憂廉曰死生命也憂何益處之
裕如傳稱達者齊榮辱一禍福其信然耶乃意不及於
難而又以壽考終天道福善廉之謂矣

兵部尚書張常甫邦奇

張邦青字常甫世居鄞之槎湖生而岐嶷年十五六已
沉酣六經鈎稽百氏然竊志聖賢之學游神高朗耻爲
世俗規規者十八舉於鄉二十二成進士改庶吉士讀
中秘書時中閣劉瑾竊持政柄子弟之于恩澤者厠跡
翰林而諸學士不屑也數誦讓之邦青私於所知曰瑾
焰不可燎也易危壯頽孔戒已甚奈何蹈之禍其不免
乎然若常憤憤著張鑑乘槎賦以見志瑾方日弄威福
數徵文以法縉紳有荷校而斃者衆稍稍緘焉而諸學
士則終不與也瑾以其不與也而銜之乃蜚諸學士異

斥殆盡人謂邦奇有先見云已乃乞身歸省食貧者數
年當道交薦復力辭至檄有司勸歸不得已至京力乞
外補遂出爲湖廣提學副使躬御父母以從時武皇
四出游幸宸濤稱道四方洵洵父母固不欲留曰奈何
不念首丘乎乃復上疏乞身終養得請復躬御父母以
歸肅皇帝登極旁求俊乂起爲四川提學無何以病
免又起爲福建提學歷遷庶子祭酒南京吏部侍郎以
父喪去服終起爲吏部侍郎推轂善類靡有遺力而終
不泄露幾微人之私念曰殆哉權勢禍之牙也衆賢疾

之構也。日牙而構。而又不已也。如老母何。乃徒翰林。已
又徙詹事。終以母老故。不樂居數上。疏乞骸骨。上憐
其意。特改南京吏部尚書。使內得致其養。而外得輸其
忠。蓋優禮之也。無何。以病卒。邦奇好學篤行。志操端潔。
初以母老。滯於宦情。故屢進屢退。無繫心。然邦奇卒官
八座。年六十餘。考終。而其母尚在。蓋百有餘歲。而後卒。
則天之慰邦奇者至矣。視世之嗜名躁進。一蹶以遺笑
母憂者。寧啻逕庭哉。

江西按察副使惠從道隆

惠隆字從道仁和人父達精書翰善鼓琴 憲廟徵補
中書舍人改錦衣百戶隆亦就學京師遂以順天籍舉
弘治壬子鄉薦癸丑成進士初授刑部主事歷郎中出
守永平改寧國終江西按察司副使隆爲人簡靜恬雅
知幾達時兩爲郡綏柔保釐有循良之稱及副臬江右
爲議者所構卽拂衣歸杜門掃軌養高息營足跡不及
公府構西爽樓臨水對山日婆娑其中或與親故父老
話桑麻及間里細事林樓四十年無一造請人皆以爲
士林高尚所著有北屏存稿若干卷

刑部右侍郎蘇天秀民

蘇民字天秀其先爲處之遼昌人洪武初我太祖大封親王博選東南巨族以充侍衛民曾祖良與焉時從愍王之國遂爲秦人籍儀衛司民自幼穎悟不凡弱冠遊鄉校師事宿儒柳先生會督學使者校諸弟子員民第名在柳先生上當廩食民白督學使者曰弟子不可以先師柳先生師也卽民偶以一日之長蒙賞識亦師之功安可先師受廩乎且以文章小技爲後先而使黌序中失長幼之序亡師弟子之禮不可以訓督學使者

竦然起敬曰。不意澆俗中。乃有知讓如此生者。知讓必知孝與忠矣。亟從之。時鄉士大夫皆曰。趙氏子賢。能讓。未幾登弘治乙丑進士第。授山西榆次縣知縣。考最徵。爲兵部職方司主事。時逆瑾擅權。惡其不附。已擄落職。爲四川糧梓驛驛丞。民毅然就道。在任盡職。不敢以遷。請解。無何瑾誅。復官爲工部主事。改吏部考功。三轉爲文選司員外郎。歷驗封司署郎中。爲諫止遊。巡奪俸。六月。再調考功司署郎中。世廟入繼大統。凡諫止巡遊。官跪廷受杖者。得陞俸一級。乃調文選司郎中文選據。

異地多所嫌疑民處之特爲清譽乃陞太常寺少卿轉
正提督四夷館尋陞工部右侍郎內艱家居清修自持
一毫不以干人服闋改南京兵部右侍郎嘗署工部事
八月餘司廳以直懸百金奉民民正色却之曰我自有
應得者此何以爲南都人士服其廉陞北京刑部右侍
郎甫兩月得微疾怡然而逝年六十有三

刑部郎中李宗文儒

李儒字宗文嘉興人其先徙於華亭遂家汨涇績學稱
宿儒正德庚午始舉於鄉明年中會試引疾不廷對歸

甲戌始第進士年四十餘矣人謂儒者久而發之老且
漸於速售而儒見時事不可其意竟謝病以去自是家
居者又十年澹然無復有冀於世因自號宜散以見其
志嘉靖改元詔起恬退之士若干人而儒名在數中始
就選爲建寧府推官擢南京禮部祠祭司主事南部爲
散吏而祠祭爲清曹經歲不知案牘儒爲之靖約尤宜
於其官又三年陞南京刑部郎中時年五十有七駸駸
向耄矣而儒已決於去遂請老歸又八年而死儒儉朴
而寡欲構飯布衣終其身自建寧歸不載行李惟破簪

貯書數卷而已。唐順之銘其墓有曰：士之勇於進怯於退而忘其自潔也久矣。公之行在古人，不爲奇，然求之今世，得如公者何其少也。就公而論，則有兩說：去於郎中之時者，猶爲易而去；於進士之時，則爲難。蓋宦成而不能去者有之，未有始進而必去者也。去於正德之時者，猶爲易而去；於嘉靖之時者，則爲難。蓋遇濁世而不能去者有矣，未有治朝而必去者也。豈莊生所謂以簪笏爲柴柁者？公固其人與？時論以爲尤。

刑部主事徐栗夫寬

父義附

徐寬字果夫海寧人登成化辛丑王華榜進士第授工部主事調禮部以清節自勵年未四十卽挂冠歸閉戶讀書六經子史靡不通解孝友敦睦出於天性父義嘗發粟賑飢踵而行之嫁隣女之貧者人到於今稱之所著醉陶詩集楊文懿守陳志其墓

山東按察副使沈景用陳

沈陳字景明雲和人性聰敏有才識雅志簡澹由弘治乙丑進士累官山東按察司副使所至俱有能聲在山東有濬時適王鍾寇發勢甚猖獗陳設方畧勦絕境賴

以事當路偉其功、薦擬殊擢、而意已倦遊、竟致仕歸、登
隋重中大夫、林下日以詩酒爲娛、自號東村野仙、

隆慶州知州杜世英傑

杜傑字世英、其先陝西天水人、宋南渡徙家於嵯、嵯人
因名其所居曰杜家堡、父真、當宣德初、以旗籍隸錦衣
衛、始家於京師、娶宋氏、生傑、少穎異、通尚書、弟子從受
經者甚衆、成化丁酉、舉順天鄉試、試禮部、數弗利、念親
老、將從吏部選、或止之、謂曰、吾爲親屈耳、比選授山東
文登縣知縣、乃奉親之文、登甫八月而不祿、執喪甚哀、

服除補夏邑滿九載以課最勅贈其父母饒津津色喜
曰吾今而後可以爲子矣尋判湖廣辰州府擢知河南
陳州改直隸隆慶州禦虜有功當遷竟謝政歸而子民
表舉進士由鉛山知縣徵入拜監察御史得誥及饒進
階奉直大夫未幾御史以言事獲罪饒復津津色喜曰
吾今而後可謂有子矣乃與俱還饒貧甚僦屋以居無
溫色饒爲人和易坦率生長京師不事華靡蒞官所至
著績初爲文登却海鯨歲例錢沿海諸營衛軍餉取給
於縣令率苦之獨憚饒不敢犯夏邑湖大河爲築長堤

明年河驟溢老幼感泣曰無此隄吾屬其魚矣在辰州
時承順與保靖交關鎮巡議剿之條請往諭以禍福遂
皆歸命省兵糧數十萬既久又奉檄之保靖保靖餉以
登貨一亡所受故家居益貧而性喜施予見故舊有窘
難出貨力振解之如弃積稗然噪俗有訟者徐出數語
解之無不立散去一鄉之人皆尊稱之曰杜公蓋居噪
六年而終得年八十有二

廣東恭政祝惟真萃

子繼臯附

祝萃字惟真海寧人成化甲辰進士授刑部主事改工

部從徐侍郎賈治、水吳中、廢卒二十萬、綜理有方、士卒樂爲之用、進虞衡司員外郎、嘗上疏請上親禮儒臣、以資教沃、不報、再請、又不報、乃彈乞歸養、正德壬申、起爲陝西提學副使、進廣東左叅政、遂解官歸、萃性至孝、每侍親側、愉色溫詞、保愛周至、惟恐傷之、博綜藝林、鉅象緯、星曆、山經、地志、醫卜諸書、無不研究、安恬靜退、再疏懇車忠蓋、敢言、不忍以緘默克位、所著有禮經私錄、古文集成、宋元史詳節等書、于繼皋、癸未進士、仕終兵部員外郎、

刑部員外郎凌約言

子迪知附

凌約言，吳興烏程人。黔中校官震之子。震有賢稱，能文章。言少受家學，業甚工。甫弱冠，就試諸生間。往往冠其曹，然至應鄉薦，輒病不利。因著彙成賦，以自見。又之用，選貢升國子。上舍。始薦應天。至會試，輒又病不利。而又入之。始謁吏部選，爲全椒令。朞月而全椒大治。吏部課令最得。汙陽守汙陽，名爲饒而困。游言爲築下流之隄，以捍荆湖漢汙諸水。水暴至，不能損稼。年書大有。邑人食其德，不敢忘。所自相率呼爲凌公。隄稍遷，同知盧州。

賢聲所至。吏民畏愛之。出太守。上會有居間而聚金於
夜者。言發之。挾如律。豪猾惴惴受事。而言不以自多。曰
吾媿夫。逆絕暮夜人也。用治理卓越。擢南京刑部員外
郎。會丁內艱。以過毀得疾。服除不赴調。竟治菟裘爲終
老計。時胡太宰與言義故。移書起之。出言謝曰。身業已
有之。不能爲太宰失也。日林居讀書。焚香宴坐。竟日好
養生家言。居恒誦老子專氣致柔章。以持世要訣。無過
是已。又好禪。恍然若有悟於出世也者。榜其居曰淨因。
齋更自稱淨因居士。卒年六十有八。子四而迪知最有

名登嘉靖丙辰諸大綬榜進士第官工部員外郎

太常寺少卿潘時用辰

文清流附

潘辰字時用杭之漾沙坑人五季時避亂徙處之青田後分爲景寧父清流舉鄉試入太學嘗著聖駕臨雍賦爲祭酒李忠文所重學者稱爲竹坡先生辰生七月喪父三歲喪母育於外家幼岐嶷讀書一目五行輒成誦下筆爲文每出諸生上凡四試於鄉每以疾弗克終事遂弃去不復應有司試有司每勤敦譬卧不應弘治癸丑唐府尹珣王給事綸夏給事昂交薦其學行於朝

翰林院待詔三。辭而後就職。丙辰內閣諸公薦典秘書。撰次誥草。尋陞典籍。進五經博士。正德己巳南京國子缺祭酒。吏部以葉城石學士及辰薦。上以石爲祭酒。而擢辰編修。具疏乞休。三上不許。九載考陞太常寺少卿。非常調也。果疏辭免。優詔慰留。踰年疏又三上。堅辭不起。始得致其事。我祖宗朝立賢無方。洪武永樂中卿佐巨僚。多自布衣薦起。如楊文貞其尤顯者。弘正時惟吳與弼及辰二人與弼未受職。辰在職二十七年。嘗纂修孝宗實錄。大明會典。精覈明信。稱良史才。自轉

典籍時未嘗就吏部考課議者以爲不失難進之風。爲詩文平正典雅。家藏手稿。毋慮數百千篇。詰草稱是。楊官守敘述履歷。各盡其情。得之者。往往自慶其所遇。性尤喜客。其遊處皆一時聞人。車馬過從。駢咽委巷。通宵連榻。或至忘歸。學士大夫。識與不識。皆稱爲南屏先生云。

承事郎程敏功俊用

程俊用字敏恭。系出新安。鄱陽太守文燦之後。文燦子康仕爲青溪丞。因家青溪。今之淳安也。歷世有隱德。而

父純獨以冒頭有遺愛於人俟用生而頴敏涉獵經史通其大義每讀古人孝友事輒嘆曰聖賢去人不遠自一本而達之天下易易耳與人交敬而無失謙和遜順與物無忤家饒於財而喜以意氣赴人之急視捐款百千萬如一毛鄉人多貸者貧不能償往往折券不問他日復貸復樂與無厭心正統初應詔輸粟二千石以實官廩成化間復應詔輸粟如初天子嘉歎詔授七品冠服階承事郎俟用喟然曰斥有餘以佐公家之急臣子分也藉是以邀榮非吾志也有司重以君命臨之

不得已拜。命後不一服也。有別業在赤洲。廩多餘積。赤洲之人衣食婚嫁皆取給之。若外廩焉。人人稱之曰程公衆父也。東鄉余垠負官租被迫將鬻妻以償。倭用聞之惻然。卽爲代償之。垠夫頗感激。飲食必祝。赴市必望門而拜。辛卯子愈舉於鄉。識與不識皆手額拜。呼曰善人有後矣。顧倭用自持益卑。自視益不足。時時戒愈曰。爾毋以一舉自多。擔負正未息肩也。吾僅衣食一鄉。一鄉無弃我者。自是而推之天下。亦一鄉耳。孺子務其遠且大者。毋效迺公爲也。無何遘厲。勿藥。語愈曰。吾殆

弗起汝宜勉承吾志言訖而瞑時年七十有二鄉人無男嬾長幼皆聚哭寢門之外商文毅公志其墓

臨江府知府尚美儀緒

尚緒字美儀其先嘉興人曰官盛者軍於睢遂爲睢人官盛生雲從太宗北伐沒之軍雲生典從南伐有功不錄君子謂尚氏有後矣曰無言不酬者人之要也無德不報者天之道也不於其身於其子孫尚氏之謂乎典生福福生綱果舉進士又生緒又進士兄弟俱拜兵部主事又繼守山海關君子謂尚氏有天生身遺其功而

兩孫登之庸。成化丙午，繙調刑部，爲員外郎，有明決聲。孝宗立，則特命之錄畿內之囚，平反甚衆，時稱神明。歸陞郎中，雲南司掌京甸，凡三法司事無巨細，由焉。前官每苦蹙蹙，剛柔胥難，而繙則獨以能稱，謂之尚一火言。一火鑄成也。秉鈞者方擬峻擢，繙會杖殺衛尉，乃出知臨江。臨江當楚粵之衝，士習豪猾，繙至，首檢謝金溝等數十人，又釋誣死罪者數人，又賴有巨盜，繙計劃獲之。於是威行郡中，而傳從學者，兄弟訟產，累歲不決，繙至，覽牘而歎曰：嗟，民之愚至是耶！立爲剖白，咸稱繙爲再。

生包老在郡三年，吏畏民懷，秉鈞者又方擬峻權，緡會章柯鎮稅課，舊爲五府據者，緡奏奪歸諸公，遂遭構陷，而緡亦抗疏解印綬，時年四十二耳，居無幾，美中美信俱以參議罷歸，兄弟金紫，每出則冠蓋輝奕，填塞閭里，然位不稱德，諺曰：不竟其祿，子孫之穀，君子於是乎謂尚氏長矣。卒年六十有九，而林下者乃幾三十年，使寬其用，則緡之業豈直前云云。於乎悲哉！所著有江西志水南稿、睢州志、諸書藏之家。

惠州府判沈懋德儀

孫瑞臨附

沈儀字懋德，仁和人。司寇銳之子，生長高華，耽習純純。正德己卯，舉於鄉，每下第歸，卽閉門讀書，廳事左右列圖書古史，日婆娑其中，若將終身其於聲利澹如也。如是者二十年。嘉靖戊戌，謁選授清江縣知縣，恬淡寡欲，安靜不擾，吏民大欽樂之。督學使者徐公階行部至清江，見其衣冠樸野，心頗易之。居數日，則察其六事修舉所守卓然，乃歎曰：「談吾以皮相天下士，幾失賢矣！」陞惠州府通判，遂投劾歸。始，司寇公無厚遺，儀又不治生產，家窶甚，人不能堪，獨端居靜養，游心境外，若孤鶴高。

蹇有翻然之致。孫瑞臨官行人。

湖廣布政司糾議謝汝正忠

謝忠字汝正，越之上虞人。生而敏悟，八歲能屬對。比長，受易多所領解。舉弘治乙丑鄉薦。己未成進士，授工部屯田司主事。權荊州稅，進員外郎。父艱，服闋當上，而逆瑾扇虐，坐誣逮。瑾誅得白，遷都水郎。奉勅督視漕河，羣盜焚掠，運艘勢甚熾，獨徐渾以南在忠所部者，不敢犯。代還當遷，尚書李河南亢言於廷曰：「吾工部乏舊官，且多事如謝忠者，才必留爲工部重銓部持之。」居數月，奉

留工部改屯田郎忠不色愠也益恪勤乃職時資格郎
官十年以上有聲稱者外遷卒予秩三品忠在工部前
後幾十二年李尚書復亢言曰謝忠卽外遷必予秩三
品會湖廣缺督糧叅議銓部卽擬忠名上僅秩四品以
去忠亦不色愠也怡然就道恪勤乃職如在部時未幾
竟報罷歸忠多材能曠達自負論議屹屹不下人吏事
尤警敏按機應猝亡不立具在工部諸公貴人多知忠
者皆交口薦譽之要非出忠意而卒用得謝旣歸乃任
時治產曰吾亦欲用之家去縣後一里許卽山麓爲亭

又引水鑿池種木可數萬株以先世舊廬湫隘卜地令
居可十世者其規圖常寬遠若有特然皆弗就而卒忠
兄弟四人二仲早夭撫其發惠而有辨與季弟居迄老
不分異宗族貧者歲贍以粟僮僕有負待之如初鄉人
病涉爲起石梁不靳費或請以事輒爲盡力故及其喪
也哭之皆哀至有爲之行服者

東陽善士徐仲學志

徐志字仲學其先本相縣之後封於徐至偃王失國走
太末而其族散處於衢婺之間故二郡徐姓最多東陽

其一也。東陽之徐志族爲最大。在國朝有爲福建按察
僉事者曰隆。有爲建寧知府者曰子玉。皆於志爲曾祖
祖父。而志之父曰鳳。則隱德不仕。以善人稱。志生而端
靜。讀書畧諳大義。而率履參中。居食事父母。免菟甘滑
必適所欲。執喪不離。苦塊見鄉俗作佛事者。常斥以爲
非。與人交。謙卑抑下。雖數侵厲。無所報。有所推予。未嘗
有德色。人就之謀。爲處白。利害歸之。情實徃徃。謝服以
去。故鄉黨識與不識。屈指善人者。并其父而稱之曰大
徐君。小徐君。志益自挹。損虛其中。以游而入於其州者。

無不人人自得曰徐君愛我忽有疾爲之請禱者十孫
爲羣或曰二豎不仁來病善人或曰天道無親常與善
人卽病庸何傷無何竟卒年僅四十有九鄉閭族黨之
來吊哭者皆哀有餘曰徐君不祿矣天之報施善人願
若是耶及子琪舉進士授刑部主事封父如其官鄉閭
族黨之來稱賀者皆喜有餘曰徐君不死矣天之報施
善人不於其身必於其子孫竟若是耶無何而琪亦卒
年減父之二官僅終臨江太守於是鄉閭族黨之來
且哭者始而哭旣而疑其不目徐君竟死矣夫歷世種

德而不能登年以載。其冥之中有知耶。無知耶。說者至
今猶疑於天道云。

刑部右侍郎葉良臣相

葉相字良臣。其先爲會稽人。自會稽徙揚。遂家江都。以
詩經領弘治乙卯應天鄉薦。登壬戌進士第。授金華府
推官。擢刑科給事中。屢遷至禮科都給事中。時迎瑾方
熾。人情洶洶。相恬然不以爲意。封駁論建。行其所欲。若
不知有所謂利害者。瑾惡之。出爲湖廣叅政。相亦欣然。
往。至則敷仁宣化。興利剔蠹。民愛之若父母。內艱。服除。

補貴州左叅政。無何。陞江西右布政使。尋轉左。陞右副都御史。巡撫貴川。兼理軍務。江省民無老少。遮道泣送之。貴州民知其來。舉首加額曰。吾父母至矣。其得人心如此。時貴有芒布之亂。相以計擒其魁而撫之。事聞。天子賜鑑幣。陞南京工部右侍郎。尋轉戶部左侍郎。加憲職。奉勅賑陝西。暑行病瘥。遂上疏引疾歸。家居十年。少瘥。則與鄉士大夫之賢者爲耆英會。其於世慮濬如也。兩臺交薦其才可大用而。天子亦稔知其賢。復起爲南京工部左侍郎。三辭而後就職。尋陞刑部左侍郎。

未幾卽以病乞年溫旨慰留明年復以引例拜吏部展
疏云刑部左侍郎相以端重之度廉介之操正宜爲
賢之儀未可允懸車之請疏凡四五上始得旨歸歸復
銜律泉石者若干年而後卒年七十有一訃聞賜祭葬
如例相爲人寡言笑慎交游天性孝友入仕四十年家
食者強半足跡不履公庭有司咨詢必盡言忠告罷東
洲嘗評之曰公以學術經世以行誼表俗以正直並朝
以明哲保身時論以爲尤

貴州參政陳良謨

陳良謨安吉州人舉正德丁丑進士生甫十月喪父母
都氏守節育之艱苦萬狀比舉進士而母卒哀毀骨立
負土以葬廬墓三年起儀制司郎中歷官貴州叅政時
以祿不逮親爲恨每轉一官必鳴咽不食者累日竟以
疾乞休歸恬澹寡欲睦族敦友有古人風所著詩文溫
純典雅卒年九十一

吏部左侍郎謝以中丞

謝以中字以中文正公遷之仲子以文正三品考績恩入
國學讀書辛酉舉順天鄉試第一乙丑舉會試第四人

時蜀中勁卒十萬都統吳玠楊政郭浩已加三少皆驍
蹇難制剛中每折之以威按之以禮無不帖服初議移
屯楊政不從呼政語之曰剛中雖書生不畏死聲色俱
厲政卽聽命虞允文嘗曰允文與諸將往來見其私居
言動罔不思憚如家有一鄭宣撫在者又於階成二州
管田抵秦州界凡三千餘頃歲收十八萬斛撫蜀六年
儲備豐積將士用命虜不敢犯當時每與宗忠簡同稱
曰宗汝霖如卧虎之在北鄭亨仲如伏熊之在西其見
推重如此秦檜聞蜀中富饒諷使進金三萬兩又令下

錢米荆門。剛中曰：今日講和，正爲他時恢復計。要當息民儲備，爲先。皆不從。檜不悅，令御史汪勃奏置四川財賦總領官，以趙不棄爲之。不諫，宜撫司因令刺求剛中陰事，會虜索北人在南者，檜悉遣之。蜀門有義勝一軍，首領李謹等十四人皆驍勇。剛中以其留蜀久，縱之。必生患，悉斬之。檜怒其專，召剛中還，文致其罪，罷職謫桂陽軍。居住再徙桂州，卒。檜死，追復原官，謚曰忠愍。

觀文殿學士葉少蘊夢得

子模附

葉夢得字少蘊，湖州人。登紹聖四年進士第，歷官同部。

大觀初蔡京再相向所立法度已罷者復行夢得書
周官太宰以八柄詔王馭羣臣所謂廢置賞罰者王者
之事也太宰得以詔王而不得自專夫事不過可不可
二者而已以爲可而出於陛下則前日不應廢以爲不
可而不出於陛下則今日不可復今徒以大臣進退爲
可否無乃陛下有未了然於中者乎上喜曰邇來士多
朋比媒進卿言獨無觀望遂除起居郎累遷翰林學士
極論士大夫朋黨之弊專於重內輕外且請身先衆人
補郡遂以龍圖閣直學士知蔡州移帥潁昌府高宗駐

蹕楊州遷翰林學士兼侍讀除戶部尚書陳待敵之計有三曰形曰勢曰氣而已形以地理山川爲本勢以城池芻粟器械爲重氣以將帥士卒爲急形固則可恃以守勢強則可資以立氣振則可作以用如是則敵皆在吾之度內矣因請上南巡阻江爲險以備不虞又請命重臣爲宣總使一居泗上總兩淮及東方之師以待敵一居金陵總江浙之路以備退保疏人不報遷尚書左丞上以夢得深曉財賦乃除資政殿學士專一提領戶部財用克車駕巡幸頓通使辭不拜歸湖州紹興初起

通顯。一委之運。不喜作家人生業。晚年日優遊里閭。
暇則覽稗官野史。自娛倦則出接比隣笑語。移日無賢。
愚舉煦煦相得也。勢利芬華。一不以入心。杭故諸封公。
喜遊結駟連騎。盛冠蓋。餽僮奴。春月則携壺挈榼徜徉。
西湖山水間。笙管姝麗。更歌迭舞。窮日落月。而其興愈。
酣。往往來召逢吉。逢吉不往。或有譏其固者。逢吉聞之。
曰。人各有好。鄙朴吾性也。享海鳥以釣天之樂。不將以。
目眩死乎。終其身不一赴。時人稱爲長者。

沈大威鏐

子光華英華附

沈錢宇大威嘉興人少英敏通經傳以父獨持門戶乃
棄舉子業爲父任勞暇則輒取諸經史百家語誦之父
命受辟藩司嘗丞七家嶺非其志也至官僅月餘得父
書輒歎曰古稱愛日親老矣奈何廉斗粟以違膝下遂
解官歸年未及者卽屏家政時泛舟湖上與諸長老爲
會觴咏優游晚謝客樓居二十年室無長物凝然終日
類古之知道者焉二千光華英華俱以文學有聲孫思
孝舉進士自有傳

涿州知州孫本

孫本錢塘人。舉冠爲博士弟子員。試輒高等。以拔貢超
南宮廷對。宰相青其文。授授館職。將羅而致之門下。本
毅然曰。進身之始。而即滿足。惟門與日。何以自立。館職
於我何加。乃就國學。尋中嘉靖丙午順天鄉試。久之
調選得深州知州。執法鑄強。民賴以安。未幾解綬歸。瘞
門深巷。以彈琴讀書自娛。瓶粟屢空。未嘗色愠。及其卒
也。布被橫床。手足不斂。一時名士醵錢爲緋。食棹櫓。以
具。四方聞之者。以不得與爲恨。

封禮部主事王暄之賜

從子任用子三錫三錫

王陽字暉之處之分水人其先有爲崑山州學正者月
家焉歷七世而爲陽陽生而穎敏讀書日記數千言以
易補博士弟子員誅釋冠軍文學蔚起而會父兄俱老
後卒獨陽與兄之遺孤任用在家故薄又其先領國稅
代賠且盡至遺田若廢丘者僅百畝乃喟然歎曰太老
夫豈立槁輩吾不能結俠行賈鑄山煮海細之又不能
展朋賣策博戲冒脯竊奸民餽夫知用則修備時用則
知物此吾所庶幾耳乃事其妻孥相折節爲勤儉其謝
聘執事必舍與燕處之榻下程勞取其上者食躬其下

者以爲常。適有天幸，屢歲得以益斥旁產，稍稍饒矣。遂以例貨入太學，祭酒先生試而奇之。戒賜毋用貨生禮見。諸貨生多三、四，富家子。腦髻怒馬，鮮服，餼食相高。而獨賜晨起，喫一粥，敝屣蹙蹙造節也。其豪偶竊笑詆之。賜自若。居數年，而賜所撫從子任用，應鄉薦。三年，子三錫成進士。又六年，子三接復成進士。官南京禮部主事。封賜如其官。人或謂賜今獨不能鵲鵲其衣連車駟，友守相快素所不快哉。今公猶舍家翁得毋爲諸封公笑乎。賜不答。諸封公閒邀賜謁官長，時有所干請。賜獨無。

所。于。請。曰。吾。不。欲。借。兒。子。輩。面。也。賜。豐。輔。廣。額。麥。屑。美。
鬚。髯。望。之。知。其。爲。鉅。公。長。者。豁。達。無。城。府。第。口。不。欲。掩。
人。善。惡。以。故。多。疑。畏。之。者。然。稍。益。習。之。益。安。之。矣。卒。年。
七。十。有。六。三。錫。守。光。州。用。持。法。忤。上。官。歸。三。接。累。官。河。
東。轉。運。使。歟。歷。中。外。有。名。臣。風。

湖廣叅議盧子春煦

盧煦字子春東陽人正德戊辰進士初任長垣縣知縣
修濬城池選練丁壯以禦流賊垣邑賴安陞刑部主事
歷員外郎郎中陞四川按察司僉事亡部爭立川貴各

兵討之。不克。賊率衆往平之。邊境安然。陞湖廣布政司
參議。提舉太和山。具疏乞休。再陳未下。遽拂衣歸甘泉。
湛若水稱之曰。勇退急流。以全晚節。有細萬物。終八柱
之意。當時以爲知言。

禮部左侍郎陳晉甫陞

陳陞字晉甫。光祿卿煥之子也。嘉靖辛丑。以進士高第。
選庶吉士。讀中秘書。每試輒先脩葺。館閣諸大老。翕然
以公輔器期之。陞顧抑抑。自持言。若不出諸口。士類莫
不服其雅量。授翰林院編修。充纂會典官。丁外艱。服闋。

遷任九載考權本院侍讀克會試同考官戊午主考應
天鄉試陞念以人事君其事至重每承校閱之命殫精
竭力去取不爽錙銖故所得多佳士擢左春坊左諭德
晉翰林院侍讀學士掌院事丁內艱歸既終喪卽於故
址築室有終焉之志無何召補南京禮部左侍郎會有
旨修鳳陽陵陞當率屬會撫按守備諸官相規制程
物力課時日至則徒步往返二十餘里又心計手書悉
出於陞竟以勞瘁致疾卒訃聞遣官諭祭有司營葬贈
禮部尚書諡文僊陞性質純粹器度宏大平生安於義

命不欲與物爲競。其於官職進退遲速尤未嘗關心。嘗肅皇帝每用詞臣撰玄得驟轉速化者多趨之。陸卿堅辭再三。或問其故。笑而不答。在翰林二十年。讀書談文之外無所好。亦不輕爲游觀。掌內外制甚久。正大典雅稱國華。卽超敘不爲過。因其澹然自守而推轂者亦鮮。竟以是終。卒年五十有九。

江西布政司參議王直夫庭

子敬臣附

王庭字直夫。其先金華人。宋南渡徙居長洲之陽城林。故人稱之曰陽湖先生。年二十六舉於鄉。又十年成進

士釋褐許州知州改國子博士教化人人譽命上遣
子當大比世宗皇帝命主山西鄉試京官主試自
始陞南京禮部主事初庭拜許州爲親故求改南官不
得至是始得就養蓋庭意也尋轉刑部歷員外郎郎中
陞福建按察司僉事備兵建寧寧有曠賊夏崇庸聚千
人殺及府佐闕司官不能制庭密捕其黨一人解縛叩
之得其故約曰能執崇來者當貸爾死其人許諾不數
日果詣崇出遊伏兵擒之掠死其人貸如約名震一時
尋乞終養數年復補汀漳兵備先聲所至盜賊懾服有

席帽山澗負險出劫庭嶺正朔及布足以禮賜之澗人皆北面叩首願斬不法者後數日果持二首來獻諸郡肅清陞江西布政司參議卽引疾乞身歸三疏始得請上勅曰王庭准致仕病痊之日有司具奏錄用外官致仕未聞有得此者蓋特旨也歸時行李蕭然所携惟蘭花數本而已家居圖書四壁兀坐終日興至則爲歌詩與二三知己商榷古今公門非鄉飲禮宴不輕入也優游林下者幾三十年以高壽終子敬臣好古力學以篤孝稱薦授翰林院博士

安慶府丞鄭文光輝

弟炳附

鄭燁字文光錢塘人性耿介喜讀書爲文務根理異不事雕刻以爲華靡領嘉靖壬子鄉薦第六人授涇縣教授以文行高等擢國子監博士朝論欲以御史官之太宰欲致其一見不可得遂出爲安慶府丞節恭僉屬人對之者如在風霜中纔十七月以母老自投劾歸家居誦讀與弟炳共篤孝友之行炳字文輝自舉泰舉轉判太倉州事年方強仕未艾也聞兄弃官亦卽解綬從兄相與修葺水之惟怡怡然未嘗一刻離親之左右時人

以比漢之二方。

繁昌縣知縣祝思堯繼英

祝繼英字思堯文直先生洪之孫最長而敏從季父虛齋先生萃授三禮學爲諸生祭酒從例入貲北雍正德十四年舉順天鄉試嘉靖十四年謁吏部選授直隸太平府繁昌縣知縣之官未幾遣家累還二僮奴與處服食諸用取給於家不於官操手事事日飲江水而已遇羣吏以禮蒞民事以情不喜爲小威官有急需少費不以煩民時出囊中金應之邑人雖寒前未之有也居六

年調補廣東石城縣知縣。以衰年遠道家。年子幼。弃官歸。繼英性澗畧。不治威儀。與人言。不爲曲謹。夷曠可親。居家一不固生。作事飲酒。無何巨觴滿引。豪酣日舉。無筭不泥。醉不已。然未嘗病。醒狂。酣也。人謂繼英中非無主者。殆感於時。激於中。無所於發。而寓之於斯。所謂託麴蘖迷昏冥者耶。晚尤慕佛。持齋好施。盡收市租。克費。遇佳風日。游村巷。入市衢。一僮子囊泉刀果。餌從之。老稚數十。誰謀擁隨。恐後所至。布散錢果於地。縱觀羣兒。旬旬爭先。攫攘顛頭爲笑。樂若是。十餘年而後卒。許給。

諫相鄉銘其墓有曰在昔酒人或隱豪賢今豈其然得
全於酒儻符漆園陳材新竊何千百年

工部員外郎孫吉夫廸

孫廸字吉夫平湖人性諷異通贍經史弘治乙未以古
今文尚書舉進士令旌德三述職皆書最召拜山東道
監察御史明年正德元旦日食廸曰此中豎驕悍不謹
之占上封事極言忌諱已而豎瑾果竊柄盡逐名士骨
鯁異已者謫廸推官德安未幾瑾敗詔復廸官官廸南
刑部主事尋陞虞衡員外郎無何有于喪侵尋不遂病

蕭蕭告歸十一年銓育三起廼廼竟不肯起嘉靖丙戌
疏乞致仕戊子大禮書成進一階越四年卒廼識度雄
豁儀觀魁梧文章言論清邵秀爽晚年畊牧蚕績稍有
餘財田宅之外書畫連屋鼓鍾壘洗選畜精良町場葺
米薪布舟輿百務綜理咸有程度顧其好善嫉邪別白
太過時有憎訛不恤也卒年六十有六鄭端簡銘其墓
銘曰矯矯孫公龍田虎韋三仕徘徊惟我方格結志深
棲旣堅旣壹出我處我誰使誰尼公貌山河公心天日
豈殄厥愠而甘同遁鳳皇之肝杉松奕奕孰阿所好有

此貞石

國子監祭酒王子揚激

王激字子揚永嘉張文忠公之甥也舉嘉靖癸未進士授吉水縣知縣吉水劇邑也精於吏者咸病其冗激臨之若不經意者日出坐堂皇數刻發遣公事無留積事已搥筆爲文辭亦數刻立就暇日與諸生警校經義或對客談古今詩律得失何在雜以諧笑聽者忘疲訟者至多引古人忍讓事俾自悔改更不繫繫囹圄爲空以賦役留者言語煦煦如家人父子節縮簡澹惟所欲

便不令迫苦人亦踴躍趨事惟恐後期邑中人人稱其
易與又之跡境內囚人王璇五六輩發其奸置之憲與
於是人人又且畏顧奉法以爲操縱得宜當是時張文
忠以議禮得幸尊寵冠一時希進者奏其門如市激視
之如弗有也議者顧以文忠爲激與援胡愁不驟貴已
而果以治最內召激私心計之曰吾舅日柄用外語方
籍籍吾可以身爲口實乎欲引疾以明志當路不許始
應召擢吏部文選司主事歷考功郎陞南京通政右
通政未幾召主膳黃改國子祭酒兼經筵講官爲吏部

進退黜陟人才務當情實尤能采拔幽滯直已無所徇
徇在國子歲餘振勵有方六館士無不恂恂就範者然
其私心既不欲以身爲口實而被退抑與忌其進者竊
揣知之往往搆譏相軋遂決意弃去蓋屢疏始得歸歸
還內宗心不勝痛遂以疾卒激長身玉立風致
魁岸負氣不肯下人獨與喬太宰白岩孫山人太初爲
文字交其於世故泊如也每進一官輒抑抑若不自勝
而一種矯厲僞邁之致若赤霄孤鶴超然不受羈絆故
能遺落名利如敝屣云

永州通判許達夫滄

許滄字達夫，世家海寧袁花里。生有逸表，爽邁不羈。修髯炯炯，見者盡傾。文思譁鋒銳甚，口占手屬，食頃數千言，沛如也。五試浙省，不售。由邑諸生貢春官，卒業南太學。兩試京闈，復不售。士論以爲命。選湖廣永州通判，政成，民和人稱，不煩。忽慨然曰：「人生快意耳，何卿相爲！」卽弃官歸，歸而絕口不問家人生作事，日縱酒耽詩，豪宕自喜者十餘年。卒以樂死。初，滄爲童子時，父綱嘗被誣，就理。楊按察使樂宗憑怒頂之入，見滄，掖以從，釋而秀。

題試之立頃呈草按察且讀且撫几大訝曰吾幾動浮
言吾幾動浮言非積善家安有是兒叱破械出淪由此
知名初人屬淪以廊廟之幹淪亦自負旁睨無所下以
是人多忌之然其所交知皆一時雋雄賢於已者故宦
雖不達天若靳焉而名之所至有獨高千古之意其所
得多矣卒年六十子三而材卿有名主桐城教稱人師
南京兵部尚書趙世胤天祐

趙天祐字世胤天台人舉嘉靖乙未進士授鳳陽府推
官有聲召拜廣東道御史出按貴州宣慰司安萬銓所

爲多不法。祐械其黨指揮張仁、李木、斃諸獄。將遂按銓。撫臣某納銓賂，使僞爲授甲狀，而爲之移文諸司。指仁、木之死爲召募，以脅祐。祐笑語人曰：「人臣苟利社稷，死生以之，吾何愛一身哉！」更遣吏挾銓反狀。銓知不可撼，卽以其日囚服出就理。酉陽永順苗相攻殺，有司招之不服，貴與湖廣隣也。祐檄界上嚴爲之備，而奏請合兵勦之。二省以寧，遷大理寺丞。歷少卿、都察院右僉都御史。晉刑部左侍郎，奉命勘伊庶人，而分宜實爲奧主。囑祐寬之。祐至，則盡發庶人所爲僭擬及事之與祖訓。

違者分宜怒甚出祐爲南京都察院右都御史轉刑部尚書齊庶人殺其僕以誣儒生陸某某故富家法曹畏勢引嫌莫敢斷祐獨毅然出之閹人馬廣坐法當斬或以巨璫意丐祐緩死祐竟奏弃市有冤獄逮繫數年祐歎曰死重辟也法官固知其冤不爲白乎遂以疑獄一時稱爲明允三載考績進階勲封贈王父母父母俱如制乃浩然歎曰古人三公養不以一日換親老矣彩衣之舞將屬何人乎遂上疏乞養三請而後予告後三年穆皇帝嗣位用臺諫薦悉召起諸賢士大夫而祐復起

爲南京刑部尚書以親老。弊不報尋改南京兵部尚書。參贊機務。屢。弊不起。明年竟以微疾卒。初。祐之以大司馬徵也。諸縉紳相與私議。祐之出處。或曰。公大臣。常以國家爲重。其必來。或曰。公素孝。曩以親老去。今親加老。其必不來。已而祐果再。瓊乞終養。解之者曰。公志堅。不可回。且公未哀。其爲國家用。固有日。姑聽之以訓世之爲子者。於風化庶有益乎。銓部以爲然。擬如祐請。詔從之。蓋羣情於祐深有其于將來故聽其歸如此。而祐竟長逝不返。於是論者咸歎訝於事之不可。理與國家之。

不幸不獲究賢者之用。然君子固曰趙司馬之於事親，其可謂無憾也已矣。

封廣州府推官駱伯瑜璋 子居敬附

駱璋字伯瑜，世爲會稽著姓，所稱金字譜駱氏者也。世隱於農。至璋，父始以儒顯。令萬安。璋生而喪母，少仃仃寄乳，殆數四矣。卒不死，而其在襁褓中已屹屹有巨人志。九歲，父之萬安。璋獨留，把家政。日出而就塾師，讀諸子書。易而課畊織，至炊浣米泉醴醬瓦木，所掌盡必當用。而其役任，臧獲大小，咸中能。日料食不浮，所使有繼。

而已而不爲市。歲什一甫冠其家與學俱稍稍成而竟以家故罷。應有司辟萬安公於令潔庶無美貨。獨身與圖籍歸。璋安之也。璋益勤補其乏而時致甘旨奉萬安公。萬安公不復問家事。安璋也。璋貌朴甚。恂恂寡言笑。而中洞於表。食不喜肉。乃獨喜飲酒及魚。魚取鮭小者而酒不甚能醉。故貧亦天性然。閭里羣惡少年間來誘使過狹邪。不應。恚要而脅之。疚痛卒不應。而隣何苗者鬻其郭外田。問苗。率直六金。璋行視。陸曰。土膏六金已也。苗更率一爲七金。而苗以非覲得大媿。服璋不欺。璋

既傷萬安公官少達而已幼孤抑其志農則撫子居敬
泣曰我駱氏之先金書煌煌卜幽宮於大風錄曰載昌
不肖未有應也爾最哉居敬乃更益讀書博而務湛淫
之思乃薦應天釋褐廣州推官考滿封璋如其秩然居
敬服璋教不敢以巧藏宦竟坐飛構報免日跼蹐跪謝
過璋莞然曰置之夫萬安公志者非也耶且廣珠瓊犀
玳瑁果布之湊也爾不一見橐焉而人蒙之是何異盜
蹠誣伯夷耶吾小而安萬安公之廉吏遺也老而安若
之廉吏養也促具酒及魚爲引滿至醉而居敬亦陶然

遂忘其不爲官者久之。璵竟以老終年八十有二。

布衣周尚行輦

周輦字尚行，海寧人。生而篤慎溫確，聞善言行，輒口之不置於不善者。若罔聞也。性耻矜衒，好文史，時時讀朱子家禮小學書，服膺講習之。及壯，尤力治生，出分佳中人產，晚歲貲累數千金。已乃周族黨賑鄉隣，務實不爲名。薄俗或厚負之一笑而已。嘗自稱曰：吾生平養身無縱欲之疾，作家無越分之費，與人無求勝之忤，處世無自作之尊。九十年來，不罹世患，殆以是耳。吾寧敢妄附。

於聖賢君子之道然吾子孫循吾言而持之惟身及家
吾知免夫其他家訓亶亶千餘言皆有根據若輦者殆
今之善人而有識者耶輦弱冠美風儀善琴奕尤樂與
勝已者游及耄而康精力視聽猶六十許人也一日唱
然曰有生寄耳數適短長物終歸盡尚乃流浪俗間不
爲一旦卒然之備吾其愚矣遂日杖屨岩陽營高敞地
爲生壙求九杞山人志其墓又數年而卒蓋幾百歲云
鴻臚寺卿周用賓文興

周文興字用賓江山鳳林里人生而穎異丰神瀟灑自

幼時卽慕李泌之爲人有異僧見而奇之曰此子風骨不凡當是神仙中人但恐世情牽染爲顯官則無望矣其家聞其言遂強爲博士弟子未幾成進士卽乞身不許乃以疾告遍遊海內名山凡太華終南衡嶽匡廬遊覽殆遍歸丁內艱服闋起授刑部主事復以憂歸築室於江郎之鐘鼓洞終日端坐觀心定性若將終身焉嘉靖改元起補禮部祠祭仍乞休不允告改南尋轉吏部稽勲郎屢遷至鴻臚寺正卿卽乞致仕歸晚年移居武林徜徉湖山日與高僧異人爲方外交胡總制宗憲爲

造高士堂以居。文興平生不喜著述，亦不作應酬文字。而於道經釋典，則深藏其味。中年頂上結一疏，令人以大棒槌之，不知痛。人以爲丹成之驗，故信從者衆。卒年八十有二，無子，終於武林。

翰林院編修駱質甫文盛

駱文盛字質夫，武康人。嘉靖乙未進士。高等選庶吉士，授翰林院編修。簪筆荷橐，日侍天子，以紀言動望之者以爲榮。而文盛往往憤世嫉邪，屢憂過計，時有浩然歸休之志。未幾上疏引疾得請歸，果絕意仕進，搆小野

於舍南棲息其中賦歸田諸詩以見志更號侶雲道人
監司郡縣勅駕敦赴高卧不起半刺不入公門亦未嘗
寓書京國時與山人林臬遊覽川壑間過從啜茗酌
酒徜徉終日而已值連歲大侵罄產典衣以給朝夕
浩如也卒年五十有九所著有遺稿十二卷雜談二卷
星子簿許朝儀珽

許珽字朝儀昌化之畠川里人九歲而孤大母畜長之
便授詩博士督學使者行縣大奇珽笑曰邑三戶安得
許家兒輒授廩食比如有司數不合中年貢入太常寺

靖初授星子簿。珽獨與季子往。未脫裝。決旬上書所部。乞骸骨。部使者謂簿強而才。不許。珽歎曰。吾寧草澤而飢。無寧求飽樊中。凡三上。所部卒以禮歸之。里故負郭。而居。珽足跡不入縣市。縣令舉鄉飲酒禮。虛西北席延珽。珽固謝不往。縣令急。珽卽博士諸生。固請往。珽僅一往焉。自是縣官至。必過珽。問民所疾苦。珽則以民不便者。宜莫如解京。以是。最爾。與諸鉅邑同征。民不堪。命久矣。罷之。便。於是縣官上其議。罷昌化。毋解京。諸父老。德珽至今。誦之不衰。初。珽父事兄五人。分產。唯命比歸老。

珽獨貧。二子從容問曰：「大父遺業，宜諸父均，何至今日，
珽比日若能讀父書足矣。毋問產也。」珽卽生事，僅僅顧
獨務振門內之窮，供億寡嫂李，沒身不怠。諸弟欽諸孫
深，無以爲家，爲之給衣餼，畢婚嫁，無所憾。伯子應元，積
長，遣之受業諸名家。時仁和傅諫議慈谿袁相國皆守
明經，人求之奇也。珽執贄而見伯子，伯子皆師事之，退
語伯子曰：「汝師貴人，毋以今日故事師，不謹及伯子與
兩人者，先後成進士，則又皆謂珽知人而善教子。卒年
八十有五。」汪司馬道昆爲之傳，論曰：「世或有據高位，都」

公卿一旦脫屣去之則人人以爲奇節薄卑官耳燕雀之集雁木豈以一羽爲衆寡哉然世或以立談而得公卿故其去之也易彼以窮經而迄白首猶之九仞而始及泉曾不一戰而行其無怏怏者幾希矣梅福陶潛至今取重朝儀其二子之徒與

延平府同知蔡澗之玘

蔡玘字潤之德清人弱冠廩於學官顧歲比輒高等而大比七試七不售至嘉靖壬午始舉於鄉癸未游於辟雍于汝楠領辛卯鄉薦明年成進士玘慨然曰吾荷國

家作養父糜廩祿忝科名豈可以未第進士故遂自棄
不思亟報稱耶凡六上春官不第乃謁選銓曹試第一
授福建延平府同知會守缺攝篆者久之嘗曰守令民
父母也第與民休息不宜操切如東薪令民側目重足
卽令行禁止何補於治故其政尚慈恕延平人德之銘
其政於石三載考績最玘曰有子報國卽吾所爲報也
遂自免歸去之日父老走送塞路至有攀轡不忍別去
者旣歸湖中諸耆碩故有社亟邀玘入會玘與諸君子
日嘯詠山水間以杯酒文籍自娛時汝楠以衡守報最

封玘階中憲大夫如其子官未幾衛守樞四川按察副使遷江西叅政前後三上疏乞侍養俱不報玘聞之默然曰父子受國厚恩吾耄不能宣力效尺寸上報天子乃又以吾老故令兒弃王事歸自逸吾何面目任衣冠耶亟貽書令弗歸身自就養江西時玘年已七十六矣會誕日叅政服金紫稱觴上壽縉紳皆榮之未幾以疾卒於藩署玘遺家式微獨以文學自材不營貲產博綜羣籍尤邃於程朱易後進從之學易登臨仕者甚衆既茂觀歸邑士人合詞謂玘學不爲人仕不爲己請於

督學者祀之鄉賢時論以爲無忝

南京光祿寺卿項秉仁錫

項錫字秉仁兵部尚書襄毅公忠之孫江西右叅政經
之子陝西督學祝虛齋先生萃之婿也登嘉靖癸未進
士第授建陽縣知縣三載書最陞刑部陝西司主事成
爲錫歎錫顧喜曰此吾大父舊游地得一履遺跡幸矣
益留心律比傳以經義不爲法縛亦不列法師聽明允
有聲西曹外艱服除補福建司主事同年進士王子揚
激在考功擬薦錫自代錫遜謝之語浸聞於人人以是

益重錫尋改尚寶司尚寶直內盧獻符璽錫一以慎修
將之六年陞少卿尚寶尋陞南京鴻臚卿閱四載始陞
南光祿卿錫曰叨第二十四年官至卿寺三品章句書
生無他行能謨被聖恩實踰涯分吾將營於舊隱老
焉疏且欲上而逸口相饒者藉藉聞之言路顧無可踪
跡者直論以不稱職錫聞之笑曰吾俶裝辦歸久矣毋
煩逐客爲也遂拂衣歸未幾而當事者敗衆意亟起錫
錫不可起矣錫旣反初服卽郊墟故庄布樊築室中爲
草堂榜曰歸來水丘林壑竊窈峭壘嘉木名花周匝籬

落時乘笨車或棹舴舺遊息無時惟意所適春和景明
賓朋沓至簾豆洗腆竟日淹留然自奉儉薄脫粟盤食
未嘗不飽尤善下人不屑簡亢野老村童必與鈞禮孤
寒之士苟有一技皆得衣食焉以故人無貴賤才不肖
皆喜就錫錫內行修飭其處人倫之變包荒濟碩殆有
人所不能言者子弟或違教未嘗顯斥微諷諭之能改
卽止歲時燕會必述先世積德事及虛齋先生所論經
義學術訓之虛齋子繼臯與錫同舉進士其後稍不振
數數周之爲置墓田祀虛齋終其身賢者以爲難臣其

論析經史商確政事又能出入古今審中利害外若渾
淪而內有條理是故所至雖無赫赫名而其操身御物
嶢然無可訾議也卒年六十有四

青州府知府施平叔峻

施峻字平叔吳興人以明經發解浙省登嘉靖乙未進
士第授南刑部廣西司主事遷木部員外郎歷郎中陞
山東青州府知府瀕行適遇考察爲人所忌去其官峻
在刑部久以練達掌勘本科其氣堅直剛明一意守法
不少出入雖權勢不顧且在僚輩間以詩名自信重或

不合程度直以其意訾之以是交構其短長推墮之不惜也人多爲峻不平峻若不屑意者歸而不問家產歲中多種秫田以備酒材閉門却軌對時撫化飲酒哦詩之外別無公事相晤其妻沈氏才而賢佐助蒸嘗料理家事凡峻所欲爲者悉先其意爲之客至樽俎脩潔不問而辦峻以是優游自適無內顧心卒年五十有七峻自少有器度其才宏暢通達處骨肉每事敢力任置田贍其族之貧者排難解紛不遺餘力徇其性急聞人非行或至面發之以是有不堪者然其崇慕隱德表暴良

士固終身不息也詩家在唐雖隨時上下其格力尚體裁平實固一代之長後世不以取士遂失其宗旨各以其資之所近者爲能峻獨有所造請固雅道中興之一助也稿多散逸不傳者藝林多惜之

感恩縣知縣董道卿遵

董遵字道卿蘭谿人爲楓山先生高足弟子累不薦於鄉乃就業太學去司南昌府訓累薦遷江浦令以不能俯仰於時上章仍乞文學掾移近養母顧益遠調海南感恩縣知縣踰年以終養乞骸骨詔許之遵平生典學

志道行在孝。庶年十九而孤。奉寡母五十餘載。如一日。家苦瘠。必備膏澤。力衰憊。必敬扶持。問煖寒。食飲嗜嗜。如小孺子。然母壽終九十五。遵年且七十二矣。猶哀哀。劬勞餐蔬。啜水如初。兩職教。又兩宰邑。一介不污其身。授老之秋。荒徑蕭然。藁莽寥闊。朝夕不謀也。士奉情曲。若湍天下。絕不以片紙干人。至今人皆稱曰真孝。庶。

雲南按察司副使張伯敬元論

張元論字伯敬。浦江人。嘉靖丁未進士。授工部虞衡司主事。督修內殿。中貴無所染指。羨餘悉歸於上。中貴。

多銜之、會有誣論他事、聞於銓司者、銓司詰有諸論從容答曰、有之、不過羅官爾、何足辯、銓司服其雅量、誣者隊息、歷本司郎中、以忤權要、左遷常州通判、卽日就道、無愠容、歷守吉安、桂林、永昌三郡、清白不渝、咸著政績、擢雲南按察司副使、奉表北上、卒於途、居官之日、家積餘租、悉以周族之貧乏、及不能娶者、所著有詹詹集、蓬底浮談等書、行於世、

文學楊以齊美璿

楊美璿字以齊、文懿公守陳之裔、世以經術行能、顯名

當世。璿少樸直，好學，弱冠補邑弟子員。邑故多才士，每試輒居高等，諸才士無不心下之。所與交游，多門內之賢，與邑中大人長者，故識博器宏，內行修而爲文日益近古。嘉靖乙酉秋，方入試而心動，卽徒步夜馳歸。母已以暴疾死，璿以此自傷，又傷父復相繼謝世，去歲萍幾不勝禮。已召堪輿家卜葬地，堪輿爲言相地吉矣。奈不利長公何？璿曰：葬以藏吾親也，寧計其後信如若言？最長最不孝，請自當之。母及諸弟遂葬如初。卜璿故不善視家人產，則兩弟美璿、美璿責管之，卽橐中藏有青

歲弗問也已。從兩弟意析居。凡便利腴美田宅悉推讓
兩弟。而自取其瘠且隘者。人人以爲難。而瘠初不自異
也。惟身自爲經師。日督課諸子。講誦不輟。且戒之曰。吾
非欲若曹資口耳。以徼富貴。爲取古人之精蘊而實有
諸身心用之。則天下才不用之。則天下羽儀。固吾志也。
後屢舉明經不第。而布衣之交已多。位至通顯者。瘠益
居貧自勵。無所求於人。卽故人具書馳車馬迎瘠。瘠輒
拒之。幸謝。故人不忘窮交足矣。安在分公家粟以相餽
耶。並不赴。及仲子子龍爲弟子員。瘠退而歎曰。吾竟老

於經生哉。遂自罷不就試。壬子子龍舉於鄉。璿喜動顏
色曰。是兒雅負奇氣。今用世有階矣。自是益厭結束。入
城府。退居鄴之西谷中。角巾野服。日與社父老故舊賓
客相飲爲娛。無何而微疾不起。召諸子孫命之曰。喪不
必過哀。葬不必過侈。第篤學力行。無墜吾家聲耳。語畢
遂瞑。年八十有三。所著有西谷俚語。字學直音。及經書
序解。藏於家。

鴻臚寺卿胡秀夫森

胡森字秀夫。湯溪人。嘉靖辛巳進士。授南京刑部主事。

歷員外郎、轉吏部郎中、陞太常寺少卿、轉鴻臚正森、機
宇開濟、風度穆清、有經濟天下之志、而時事多不啗其
意、竟拂衣歸、初大禮議起、森與永嘉意合、永嘉欲援森
爲助、以父命不敢與名、奏疏後、永嘉得政、每令人致意
欲引之再出、竟不從、惟徜徉九峯山水間、有九峯文集
傳於世。

廣西橫州判官王伯雨濟

王濟字伯雨、其先泗人、元季大世祖遣輔遊兵烏墩鎮、
遂世爲烏程人、濟少穎敏好學、以郡學生例補太學、屢

試不售。謁銓曹。選授廣西橫州判官。會錄守。屬政多違。盜且作。濟視篆。得其習俗利弊。召橫人集議。議定。乃因革之。凡所設施。咸與橫宜。橫俗丕變。盜亦潛弭。州以無事。退食之暇。植湘竹盈庭。吟咏其下。采其風土物宜。與域中大異者。類爲一編。曰君子堂月詢手鏡。遠近傳之。無何。以母老。乞疏終養。橫民傾城留之。不得歸。事母又十年。色養之餘。沉酣古雅。寄興山水。時致仕尚書劉南垣。歸發憲龍西溪。覓與太白山人孫太初。一元方輅。莊潮南。喜濟之歸。爭邀致之。登臨觴詠。高風自持。所謂崇

種小社者倡自南坦傳諸海內爲美談云濟衣冠甚古
居當異趣要衝騷人墨客日常滿座酒行意暢忽自稱
紫髯仙客或病其放濟不屑也天性孝友而尤樂施予
姻黨隣里故舊凡以貧病婚喪告急者衣食之廬居之
藥餌憐埋之無吝吝故內外人士瞻望濟若綴旒之有
見深延庇覆以爲恒卒年若干所著有谷應水南詞和
花蕊夫人宮詞傳於世

廣西按察副使沈道初啓原

子邵附

沈啟原字道初秀水人滿廣叅政謚之子弱冠舉於鄉

三上公車不售益閉門讀書父子自相師友有所研講必直抵奧窔一時稱爲宏博當是時倭亂暴起以軍興加賦閭里騷然而督撫以破會徐海等於平湖奏捷還駐邵城文武將吏暨召募上著之兵皆在餽廩行糧日費不貲縣令念閭里空乏盡括羨餘以佐之不五日告竭矣原偶以他事謁令令忽忽仰屋深念原曰公何念之深也令曰非他也時文武大臣及募調諸將卒俱在供億不數日而倉庫如洗有能具五日費者則某之責不追已原立曰原當任之令躍起拜原亦拜卽夜歸幸

幹僕數人持千金畀之聞者以爲難已未成進士二甲
十七名故事十七名者爲選首於法得北曹郎以前二
人挾分宜勢下銓部欲得選首主者執不可遂並授南
曹而原得工部屯田司主事原怡然曰南北等耳况予
性簡澹南曹甚宜我歷本司員外郎郎中遷四川布政
司叅議分轄川南道時天全土官高定揚時譽相讐殺
當事者莫知爲計原至微示兩家禍福利害令其改圖
兩家果感悟應時解散鈴東部夷以歸命於原邊民始
得帖席卧無何以內艱歸服闋補山東叅議未幾遷陝

西按察司副使丁丑子邪成進士以庶吉士第一讀中
秘書原聞報歎曰夫子家世耕讀何修而受國恩三世
哉吾其歸矣會忌者中以蜚語奏上原翻然登舟無幾
微見顏面歸塗泛洞庭登太和每於山川名勝輒低回
留不能去比抵家奉 旨調用當事者以原清望久著
輒議補原輒卧不應絕口不談世事亦不復通謁貴顯
惟日相羊於長溪之上芟葺先人林園誅茅治屋爲偃
息計葛巾野服與親舊往來如山人性澹朴無所紛華
詳受取予一舉於義有請託輒遜謝之脫冤抑不自蔽

然爲之申理，雖造物議，不惜也。平生珍玩貨寶、聲色物
馬，略不屑意。而所篤好，惟圖籍舊有、萬書樓爲先。人藏
書處至是所積，滋多。復構樓貯之，名曰芳潤。淨凡明窓
悠然，翻閱手不停披，寢食俱廢。老而彌篤，竟以好學終。
所著有詩文二集，公移雜著藏於家。

沔陽州知州楊志澄茂清

楊茂清字志澄，吏部尚書守陞之子。博學工文章，弱冠
補郡博弟子員。尋以父蔭爲太學生，屢試不第。需次銓
部，授南京鴻臚寺司賓署丞。時大鴻臚某公者，有人倫

鑒亟稱之曰此唐裴李宋韓范之流孰謂任子無奇哉
在散職者九年茹疏服敵以寡約自持視貴遊公子崇
奢侈奉蔑如也秋浦考績陞直隸貴池縣知縣池濱江
使傳往來如織民好鹽訟難治清乃因土俗相宜庶民
情稽故牒去所不便而與其所便朞月之內上信下服
俗用以熙有古循良風陞山東河州知州去之日蕭蕭
圖書敗索數事士大夫酒泣祖帳庶民連袂扶杖擁道
遮留曰奈何奪我父母也治沂一年以才更汚陽道出
貴池父老商旅連之江上摩肩接踵翼舟輿而趨曰何

幸復見吾父母乎至有掩袂泣下者至汚卽以其所以
治池與沂者參而布之而治行炳然於全楚矣比三載
考績贈其生母鍾氏爲宜人清乃喟然歎曰夫仕凡以
爲親也生則致其養沒則榮其號非以章綬私其身也
今母氏已被國恩吾何求哉且白首而徇祿貪人所以
自徇也知止而免殆哲士所以全身也吾其休乎乃力
請於當道引年以歸其歸也緝祖父之墓敦宗誼飭家
教課子姓於戶外事一無所問與鄉老輩爲耆英會嘯
詠風月白首龐眉步履矯健望之若仙每監司行部及

郡邑長吏無不折節賓禮春秋鄉飲率尊之爲賓蓋藉以厲俗云卒年八十有七

尚寶司少卿徐深甫自得

徐自得字深甫世系四明國初詔徙吳越大姓實中原乃隸籍雍丘嘉靖甲午舉河南鄉薦辛丑成進士筮仕行人司行人奉使濟藩明典禮卻餽遺得使事之體改其科給事中時大虜擁衆戕殺朵顏福餘三衛諸夷內避乞給衣食耕具或謂夷虜相戕乘是可收奠韃之利者自得上言朵顏三衛宿稱犴強一旦遭殘破之慘旣

不敵於彼將必窺利於我。鳥窮則啄獸窮則攫勢固然爾。進北諸虜性猶豺狼既飽而驕饕逾亡厭且朶顏既破撤我藩籬何所顧忌。趑趄而不內犯哉。宜稍給所乞收諸夷無賴之心。陰諭以雪耻復仇之義。仍申飭邊備繕堡廣偵以觀未萌之變。疏入五日不報。同列或爲危之。命下則大見採納。他日有以吏垣協理請者。疏不及自得也。特批曰。徐某乃知上默識自得名。固將大用之矣。是歲九廟成。覃恩父母皆得受今封。卽陳情終養。既得請南歸。賦閒居於板輿。詠循陔於蘭膳。朝夕承驥。

爲百年壽。又四載父歿。容瘠骨立。人稱死孝。奉繼母一
如奉父。居則游情圖史。以開卷自娛。視世情紛華脂膏。
不翊將浼。如是者數年。乙丑。詔起諫垣。乞終養。不許。補
工科給事中。陞尚寶司少卿。俄聞繼母訃。匍匐歸里。喪
事旣免喪。竟堅卧不復起。自得起家三紀。立朝蒞官。卅
四年。餘皆優游泉石之日也。旣歸。構市隱堂數楹。歌誦
其中。且齊物蒙莊。眷懷仲統。孳衛生之經。廣卧遊之適。
樂志棲神。耆年孺色。亦恬澹足以養生之效已。平居杜
門却掃。跡絕綦屐。然引拔善類。如恐不及。臨財非義揮

原千金不顧也。至惇睦宗戚，屢卹孤寡，則倒孟生之箴，
捐馮煖之券，亡所恤。人以他事干請者，正色謝絕。至里
衍有大利害，則不惜投冠奮袂爲之上鳴。詩尚典雅，不
驚纖靡。文爾雅有則，一洗銅棘。雅工詩餘小令，少游美
成而下不多遜也。所著有苦中踏野二稿、京華集、京華
續集、太游子樂府二卷，藏於家。

同安縣知縣邵以升旭

邵旭，字以升，仁和人。四川按察副使琮之子。生有至性，
積長受易，補德清縣學弟子員。累試高等，年三十以貢

補南國學上舍嘉靖壬午調選吏部校閱同安縣知縣
同安岩邑旭以安靜治之民以訟至率以理論遣有不
可已者亦爲推誠處分不盡法民咸革心以訟爲耻居
二年得羸疾度弗任卽投劾去旣歸杜門角巾不復及
天下事矣旭蚤失父十歲事母極孝已復背養乃泣然
曰所貴榮祿以逮親也不逮何施故雖業舉子而進取
之念日衰先是以國子資滿當入官顧曰吾有先人田
廬皇何爲者乃南築蔬圃樹藝其間將終身焉越十
年憊之始就職未幾歸園愈益治圃中有竹泉精舍邀

月臺吟風亭茶竈藥爐羅列其間賓至則班荆坐已
亭臺涉園取境治具飲酒賦詩竟日乃罷晚年益養高
布衣芒鞋不異寒素時諸子懷登進士旣領南員輿謀
來迎旭偶有所往概署使候旭見却走曰此屬徒亂
人意竟屏去雖其胸志執節而修持雅淑多其天性所
自得云

漁江沈時幹文模

子明臣附

沈文模字時幹鄞人生甫二日而孤少穎不在學既長
而好之折節從經師聞兩令羣子弟之有文者數辭

召賓客爲文酒會以贊赴人之急者流還而亦幾何哉
以故千金之箸日損楨夷然弗屑也生習書其於方丈
大書愈益工自負其奇以爲可一當人主遂益置索北
游京師久之無所遇索裝行盡楨顧視其腕笑曰謂君
中書不中書耶大丈夫何所不托跡歸而斥餘著募酒
家傭列肆錢塘西湖周行詭譎間意殊適也而會酒人
多負進故習楨弗肯嘗楨亦莫能諱何之索又稍稍盡
率貲減十之五乃又謂其舍人曰家東海卽不能看真
陽長庶幾雄於漁師哉以百金治餘皇他器物罾網木

稱是漁而獲一巨蟹若三石者竟不得一飽以是蟹
因貴幸減十之七乃買他魚魚膾枯轉鬻杭越諸郡魚
價輒不登最後一歲遇霖雨鹽驟貴而所買魚過時不
得暴暴又觸烈日盡餒且臭強負至嵎山中賤鬻之僅
獲菽麥十餘石綿數十鈞他果菜稱是竹木器數十以
是益大困歸而貲盡不能買諸傭徒盡亡去楨內恨爲
杜門者數年而子明臣稍長能屬文楨顧妻女啾啾無
所出輒撫明臣頂曰兒在何渠憂貧而明臣亦自刻厲
抗顏人師脩帛青美輒以付酒家稍稍取之矣楨歎

蔡江其西爲平楚亭稍南爲綠雨溪北爲鏡水門橫壩
表之在在足魚蟹棖典至輒釣得魚輒酒因自稱漁江
云或謂君不當復稱漁耶棖笑應之曰吾嚮者誤吾余
乃知漁夫王弘之吾師矣卒年五十有九棖有三子而
獨明臣賢爲諸生人厭弃之任俠吳楚閩越間業工文
駁駁西京大層語卽海內所稱句章山人者也

南京吏部郎中鄒醇甫國儒

鄒國儒字醇甫嘉興人嘉靖乙丑進士授刑部主事改
南京吏部進郎中給假送母終養丁憂服闋不赴部爲人

愿格折節下人，不談人短，亦不作脂韋態。其於仕進治
如也。自諸生傳教邑中，師道嶽嶽歸田。弟子日進讀書，
談道外無餘事。一時有鄉夫子之稱。

雲南叅政朱良矩方

朱方字良矩，永康人性樸實，言笑不妄。初令丹陽，水蕘
自持聽斷詳慎，歷淮安同知、晉刑部員外郎、郎中，轉寶
慶知府。搢屨不踰，還雲南叅政。乞致仕，當道疏留之，竟
引疾去。程松溪先生出其門，終身執弟子禮。方亦以師
道自居，時兩重之云。

湖廣叅政李樂

李樂號臨川烏程人登隆慶戊辰進士第起家縣令以循良拜禮科給事中歷官湖廣叅政所至以端亮清肅稱一日慨然曰古人云仕至二千石吾今叅藩過忝甚矣知止不殆老子所以言猶龍也遂引疾歸歸而杜門養重足跡不履城市竿牘不至公門三十年如一日嘗路者重其人每屏干旄過從清言竟日一語不及私退輒歎曰與臨川先生談令人名利之心都盡